


# New Website Launch Press Release

Launch website, fanpage riba FaceBook y YouTube

## Fundacion Encuentro Prome Bienal di Aruba ta publica informacion via diferente media

Den pleno preparacion di caminda pa e Prome Encuentro Bienal Arte Contemporaneo di Caribe: Aruba 2011-2012 ta informa publico cu tin un website, un fanpage riba FaceBook y channel riba YouTube caminda a publica hopi informacion y noticia. Personanan interesa por haya informacion por escrito pero tambe potret y documentario pa por aprecia detayadamente kico e meta y plannan di proyecto ta y kico por spera. Asina ta purba yega mas cerca di e publico Arubano pa purba stimula interes, interaccion y dialogo. Preguntanan y comentario ta bon bini.



E serie di documentarionan di 'Un bista riba Rosea Nobo' por ehempel ta muestra obranan di e artistanan Aura Wilming, Irene Peterson, King Lie Kwie y Danilo Geerman. Tambe por conoce obranan di e otro participantenan manera Vera Croes, Priscilla Lacle, David Winklaar, Anjo Rotterveel, Marie

Louise Wilming, Evelino Fingal, Glenda Heyliger, Osaira Muyale, Nelson Gonzalez, Elvis Lopez, Telka van Dodewaard,

Ryan Oduber, Ken Wolff,

Hugo Palmar y Rob ter

Haar, Stan Kuiperi, Ciro

Abath. Den e documentario

lo por aprecia un reaccion y

comentarionan di e dos


criticonan historiador di

arte reconocen e campo

di arte contemporaneo, lic.

Jose Manuel Noceda

Fernandez y profesor dr.



Adi Martis.

Ta spera cu un publico grandi por bishita e website y fanpage di Fundacion Encuentro prome Bienal di Aruba riba FaceBook of tuma contacto cu e oficina di produccion Prome Encuentro arte Contemporaneo di Caribe, Aruba 2011-2012, na Paradera Park 213 of na e number di telefon # 588 6868. E diseño di e website [www.encuentroartaruba.org](http://www.encuentroartaruba.org) ta di e artista Rob ter Haar. E team di proyecto ta mantene y actualisa textonan, y ta upload potret y documentario. Tambe por wak documentario via YouTube bou e palabra clabe 'EncuentroArtAruba'. Email adres di e Fundacion ta [info@encuentroartaruba.org](mailto:info@encuentroartaruba.org) . Reaccionnan ta bon bini.